

Broj: RU-253/05
Sarajevo, 24.2.2005.godine

Ministarstvo pravde Bosne i Hercegovine, rješavajući po zahtjevu Udruženja geologa u Bosni i Hercegovini, Ilidža, ulica Ustanička broj: 11, za upis u Registar udruženja, na osnovu člana 33., a u vezi sa članom 28. st. 1., 2. i 5. Zakona o udruženjima i fondacijama Bosne i Hercegovine («Službeni glasnik BiH», broj 32/01), donosi

RJEŠENJE
o upisu u Registar udruženja

1. U Registar udruženja kod Ministarstva pravde Bosne i Hercegovine upisuje se udruženje pod nazivom:
Udruženje geologa u Bosni i Hercegovini
Удружење геолога у Босни и Херцеговини
Udruga geologa u Bosni i Hercegovini

Skraćeni naziv Udruženja je: **UGBiH; UGBiH; UGBiH.**

Sjedište Udruženja je: **Ilidža, ulica Ustanička broj: 11.**

2. Udruženje je upisano pod registarskim brojem **RU-253/05**, knjiga registra **I**, dana **24.2.2005.godine.**
3. Danom izdavanja ovog rješenja registrovano udruženje ima slobodu djelovanja na cijelom području Bosne i Hercegovine i u obavljanju svoje djelatnosti može upotrebljavati isključivo svoj registrovani naziv.
4. Ciljevi odnosno djelatnosti za koje je udruženje osnovano su:
 - promocija novih geonaučnih informacija i njihova aplikacija u istraživanju mineralnih sirovina i podzemnih voda;
 - promocija zaštite okoliša i geološkog naslijeđa;
 - promocija i održavanje različitih oblika edukacije i praktične primjene geologije u javnosti;
 - učestvuje u javnim raspravama kod donošenja zakona iz oblasti geologije;
 - promocija profesionalnosti i etičkih standarda u nauci o Zemlji;
 - način realizacije navedenih ciljeva se ostvaruje putem održavanja, seminara, savjetovanja, predavanja, kongresa, izdavanjem publikacija, brošura i upustava.
5. Udruženje stiče svojstvo pravnog lica danom upisa u registar ovog ministarstva, a lica ovlaštena za zastupanje udruženja su:
Hazim Hrvatović, Ilidža, ul. Bosanskih gazija br. 15 – predsjednik Udruženje;
Dragan Mitrović, Zvornik, ul. Svetog Save br. 62– potpredsjednik; i
Alojz Filipović, Krešvo, ul. Brce br. 1 – potpredsjednik.

O b r a z l o ž e n j e

Udruženje geologa u Bosni i Hercegovini podnijelo je zahtjev za upis u Registar udruženja kod Ministarstva pravde. Uvidom u dostavljenu dokumentaciju: Odluka o osnivanju udruženja, Statut udruženja, Odluka o imenovanju upravnog odbora, Odluka o imenovanju lica ovlaštenih za zastupanje udruženja, te drugih potrebnih dokumenata, utvrđena je njena usaglašenost sa Zakonom o udruženjima i fondacijama Bosne i Hercegovine i da su ispunjeni zakonski uslovi za upis u registar, te je na osnovu toga riješeno kao u dispozitivu ovog rješenja.

U smislu člana 29. stav a. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj: 9/02) podnosilac zahtjeva dužan je platiti administrativnu taksu u iznosu od 50,00 KM.

Pravna pouka: Protiv ovog rješenja može se uložiti žalba Komisiji za žalbe, u roku od 15 dana od dana prijema istog.

Žalba se podnosi putem ovog Ministarstva u tri primjeraka.

Rješenje dostavljeno:

- Udruženju
- Zbirka isprava
- «Službeni glasnik BiH»



MINISTAR
Slobodan Kovač